



Broj: 02-02-1-2181/17-1
Lukavac, 29.09.2017.godine

Na osnovu člana 8. Zakona o ministarskim, vladinim i drugim imenovanjima FBiH ("Sl. novine FBiH", broj 12/03, 34/03 i 65/13), člana 38. stav 3. Zakona o pravobranilaštvu ("Sl. novine TK", broj 4/04, 5/08 i 2/14) i Odluke o raspisivanju Javnog oglasa za izbor i imenovanje Općinskog pravobranioca broj. 02-02-1-2181/17 od 29.09.2017. godine, Općinski načelnik objavljuje:

JAVNI OGLAS

za izbor i imenovanje Pravobranioца Općine Lukavac

1. Naziv pozicije

Općinski pravobranilac Općine Lukavac - 1 izvršilac

2. Opis upražnjene pozicije i trajanje mandata:

Općinski pravobranilac vrši poslove:

- pravne zaštite, imovine i imovinskih interesa općine i općinskih organa, kao i pravnih lica koje osniva općina, ako je to aktom o osnivanju predviđeno,
 - zastupa Općinu pred inozemnim sudovima, arbitražama i drugim inostranim sudovima, arbitražama i drugim inozemnim državnim organima i organizacijama, ako Općinsko vijeće ne odluči drugačije,
 - preduzima pravne radnje u svrhu zaštite imovine i imovinskih interesa općine, pred sudovima i drugim nadležnim organima kao i u drugim slučajevima kada je na to ovlašten zakonom,
 - obavlja poslove utvrđene članom 15. i 16. Zakona o pravobranilaštvu TK,
 - predstavlja Općinsko pravobranilaštvo, rukovodi njegovim radom i obavlja druga prava i dužnosti utvrđena Zakonom i drugim općim aktom,
 - podnosi izvještaj o radu Općinskog pravobranilaštva, Općinskom vijeću i Općinskom načelniku;
 - pruža stručnu pomoć organima, službama, ustanovama i drugim pravnim licima iz člana 8. Zakona o pravobranilaštvu u rješavanju imovinsko pravnih pitanja i daje mišljenja u vezi zaključivanja ugovora imovinsko pravne prirode,
 - obavlja i druge poslove i zadatke iz nadležnosti Pravobranilaštva utvrđene zakonskim i drugim propisima.
- Općinski pravobranilac se imenuje na period od 4 godine, sa mogućnošću ponovnog imenovanja.

3. Kandidat mora ispunjavati sljedeće opće i posebne uslove:

a) OPĆI USLOVI:

- da je državljanin Bosne i Hercegovine,
- da je stariji od 18 godina,
- da su zdravstveno sposobni za obavljanje za obavljanje poslova za koje se kandiduju,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- da se na njega ne odnosi član IX.1. Ustava BiH po kome ni jedna osoba koja izdržava kaznu izrečenu od stranic Međunarodnog suda za bivšu Jugoslaviju i ni jedna osoba koja je pod optužbom Suda i koja se oglašila o poziv da se pojavi pred sudom ne može se kandidovati niti može obnašati naimenovanu, izbornu ili drugu javnu funkciju na teritoriji BiH,
- da se protiv njega ne vodi krivični postupak,
- da nije osuđivan za krivično djelo ili privredni prijestup koji prestavlja smetnju za imenovanje na upražnjenu poziciju u roku od pet godina od dana izdržane, izmirene, zastarjele ili oprostene kazne.

b) POSEBNI USLOVI:

- da kandidat ima visoku stručnu spremu - VII stepen odnosno visoko obrazovanje prvog, drugog ili trećeg ciklusa Bolonjskog sistema studiranja, koji se vrednuje sa najmanje 240 ECTS - pravne struke, položen pravosudni ispiti Iskustvo u radu na poslovima zastupanja pred sudom, odnosno imovinsko pravnim poslo-

vima, u trajanju od najmanje 3 (tri) godine nakon položenog pravosudnog ispita, koji je radeći na tim poslovima stekao visok ugled pravnog stručnjaka i koji posjeduje najviše moralne osobine za obavljanje službe pravobranioца,

- da nije član političke stranke, da ne obavlja poslove u organima stranke, političkim udruženjima ili fondacijama koje su povezane sa strankom i da nije uključen u bilo kakvu političku ili stranačku aktivnost,
- da nije član upravnog ili nadzornog odbora u više od jednog reguliranog organa,
- da nema privatni finansijski interes u reguliranom organu za koji se kandiduje.

4. Za sve kandidate koji ispunjavaju opće i posebne uslove u postupku izbora uzet će se u obzir:

- komunikativne i organizacijske sposobnosti kao i sposobnost upravljanja finansijskim i ljudskim resursima,
- minimum znanja o organizaciji i djelatnosti reguliranog organa,
- rezultati rada tokom karijere i naklonjenost timskom radu.

5. Uz prijavu kandidati su obavezni priložiti sljedeće:

- kraću biografiju sa adresom i kontakt-telefonom, svojeručno potpisanu,
- uvjerenje o državljanstvu (ne starije od 6 mjeseci),
- kopiju diplome o školskoj spremi,
- kopiju uvjerenja o položenom pravosudnom ispitu,
- uvjerenje o radnom iskustvu na poslovima zastupanja pred sudom, odnosno imovinsko-pravnim poslovima, u trajanju od najmanje tri godine nakon položenog pravosudnog ispita,
- uvjerenje da se protiv kandidata ne vodi krivični postupak (ne starije od 3 mjeseca),
- uvjerenje da kandidat nije osuđivan za krivično djelo i privredni prijestup koji prestavlja smetnju za imenovanje na upražnjenu poziciju, u roku od pet godina od dana izdržane, izmirene, zastarjele ili oprostene kazne (ne starije od 3 mjeseca),
- ovjerenu izjavu kandidata na okolnosti iz tačke 3.a) alineje 4 i 5 i na okolnosti iz tačke 3.b) alineje 2, 3 i 4 Javnog oglasa.

Dokumenti koji se prilažu uz prijavu moraju biti originalni ili ovjerene kopije.

6. Ostale napomene:

Podnosioci prijava sa kojima se ne stupi u kontakt u roku od 8 dana nakon isteka roka za podnošenje prijava neće biti uzeti u razmatranje u daljem procesu izbora.

Svi kandidati koji budu ispunjavali opšte i posebne uslove i s kojima se stupi u kontakt u roku navedenom u predhodnom stavu, bit će pozvani na intervju.

Prije intervjua kandidati su dužni, dati podatke o ranijim rukovodiocima od kojih se mogu dobiti preporuke ili informacije o kandidatu, popuniti obrazac u kojem će iznijeti bilo koje pitanje, koje bi moglo dovesti do sukoba interesa u slučaju njihovog imenovanja.

Kandidat koji bude imenovan za pravobranioца u Pravobranilaštvu Općine Lukavac naknadno će dostaviti uvjerenje o zdravstvenoj sposobnosti za obavljanje poslova za koje se kandidovao.

7. Rok i mjesto podnošenja prijave:

Ovaj Javni Oglas objavit će se u dnevnom listu "Ostobodenje" i "Službenim novinama FBiH".

Pozivamo zainteresovane kandidate da podnesu prijavu u roku od 15 dana od dana objavljivanja Javnog Oglasa. Rok od 15 dana računava se prema datumu objave u glasilu, koje posljednje bude objavilo ovaj Javni Oglas.

Koverirane prijave sa naznakom "Javni Oglas za izbor Općinskog pravobranioца" - NE OTVARAJ, podnose se lično putem pisarnice Općine Lukavac ili šalju poštom preporučeno na ADRESU: Općina Lukavac, Ulica Trg Slobode br.1. Komisija za izbor Općinskog pravobranioца.

Neotpune i neblagovremene prijave neće se razmatrati.

OPĆINSKI NAČELNIK
dr.sci. Edin Delić



11000010010015
78 310000 0000

Općina Lukavac - Općinski Načelnik, Trg slobode 1, 78100 Lukavac
11000010010015 - mail: nacelnik@opcina-lukavac.ba
Tel: +387 06 600 000 Fax: +387 06 600 703



11000010010015
78 310000 0000